



Budžet za **građane**

institucija Bosne i Hercegovine
i međunarodnih obaveza
Bosne i Hercegovine

2022





Budžet za **građane**

institucija Bosne i Hercegovine
i međunarodnih obaveza
Bosne i Hercegovine

2022

BOSNA I HERCEGOVINA
MINISTARSTVO FINANCIJA/
FINANSIJA I TREZORA



БОСНА И ХЕРЦЕГОВИНА
МИНИСТАРСТВО ФИНАНСИЈА
И ТРЕЗОРА

BOSNIA AND HERZEGOVINA
MINISTRY OF FINANCE
AND TREASURY

Izdavač:

Ministarstvo finansija i trezora Bosne i Hercegovine

Za izdavača:

Ministarstvo finansija i trezora Bosne i Hercegovine

Dizajn i kompjuterska priprema:

Grafički studio „Lik“ Banja Luka

Štampa:

GRAFID d.o.o. Banja Luka

Za štampariju:

Branislav Ivanković

SADRŽAJ

Uvodna riječ ministra.....	5
Budžet za građane.....	6
Nadležnosti institucija Bosne i Hercegovine.....	8
Pravni okvir.....	8
Budžetski kalendar i budžetski proces.....	9
Makroekonomske projekcije i predviđanja.....	10
Prihodi.....	12
Rashodi.....	14
Rashodi po COFOG klasifikaciji.....	15
Institucije Bosne i Hercegovine i iznos njihovog budžeta za 2022. godinu.....	16
Najveći korisnici budžeta.....	20
Budžetski rječnik.....	30
Pitanja, komentari i sugestije.....	31

Budžet za građane

institucija Bosne i Hercegovine
i međunarodnih obaveza
Bosne i Hercegovine

2022



Poštovani građani i građanke,

Pred vama se nalazi dokument „Budžet za građane institucija Bosne i Hercegovine i međunarodnih obaveza Bosne i Hercegovine za 2022. godinu“, što predstavlja svojevrsni ilustrirani vodič koji na jasan i jednostavan način prikazuje kako se prikuplja i troši novac iz Budžeta institucija Bosne i Hercegovine i međunarodnih obaveza BiH.

Želja nam je da nastavkom redovnog objavljivanja ovog dokumenta postanemo još otvoreniji i odgovorniji prema građanima kada je u pitanju planiranje, upravljanje i upotreba finansijskih sredstava institucija Bosne i Hercegovine.

Svrha ovog dokumenta je da javnosti omogući bolji uvid i razumijevanje načina na koji institucije na državnom nivou planiraju, raspodjeljuju i troše javna sredstva iz budžeta. Imajući u vidu da novac koji dolazi u budžet potječe od poreznih obveznika, naša je obaveza da njime raspolažemo u najboljem interesu svih građana Bosne i Hercegovine te da predstavimo jasne i razumljive podatke o izvorima prikupljenog novca i njegovom trošenju.

Dokument je namijenjen svim osobama koje žele da budu obaviještene o planovima pojedinih institucija BiH, kao i svima onima koji žele da prate trošenje novca pri realiziranju postavljenih ciljeva.

Iskreno se nadam da će „Budžet za građane“ pružiti odgovore na ključna pitanja u vezi s Budžetom institucija BiH i međunarodnih obaveza BiH, ali i potaknuti što veći broj aktera da iznesu svoja mišljenja i sugestije koji će biti osnov za pripremu Budžeta za građane u narednom periodu.

Otvoreni smo za značajnije učešće građana u budžetskom procesu u pripremi budućih dokumenata „Budžet za građane“ i pored ustavnih ograničenja u strukturi budžeta institucija BiH. Želimo kreirati pristupačniji i razumljiviji budžet, jer je i to jedna od polaznih pretpostavki unapređenja upravljanja javnim finansijama.

Radujemo se saradnji u narednom periodu.

Srdačan pozdrav,

MINISTAR

Vjekoslav Bevanda

**Budžet za
građane**



Budžet za **građane**

institucija Bosne i Hercegovine
i međunarodnih obaveza
Bosne i Hercegovine

2022

Novac kojim raspolažu institucije vlasti na svim nivoima u svojim **budžetima** je novac građana. Prihodi vlasti dolaze od građana kroz poreze i plaćanje raznih taksi i naknada. Pored ovoga, prihodi dolaze od **koncesija** za iskorištavanje resursa koji su dio zajedničke baštine pa pripadaju svim građanima. Čak i kada prihodi dolaze od kredita, građani su ti koji će ih morati otplatiti na kraju. Institucije vlasti su odgovorne za sredstva u okviru budžeta te odlučuju u ime građana o raspodjeli prikupljenih sredstava za različite namjene.

Imajući u vidu da je budžet i odraz **javnih politika**, jasno je zbog čega u zemljama s razvijenom demokratskom kulturom postoji značajan interes javnosti za brojna pitanja koja se tiču budžeta. Građani žele znati i odlučivati o tome kako će se trošiti njihov novac. Pri tom je osnovni preduvjet za sudjelovanje građana u procesu odlučivanja o budžetu njihova informiranost. U skladu s tim, zadatak organa vlasti je da osigura javnost rada i pruži informacije o svim bitnim pitanjima u procesu kreiranja, usvajanja i izvršavanja budžeta.

Budžet za građane je dokument koji sažima i pojašnjava osnovne informacije iz budžeta. To je izvještaj, predstavljen u pristupačnom formatu, koji koristi jednostavan i jasan jezik koji građani mogu razumjeti. Ako su u stanju razumjeti, građani onda mogu ostvarivati svoja građanska prava u demokratiji – oni mogu postavljati pitanja koja osiguravaju da vlast objašnjava ono što radi u njihovo ime.



Budžet

akt kojim se predviđaju svi prihodi i rashodi u jednoj godini.

Koncesija

dozvola vlasti koja se daje pravnim ili fizičkim licima za obavljanje određene djelatnosti po unaprijed utvrđenim uvjetima.

Javna politika

plan ili smjer djelovanja institucija vlasti.

Budžet za građane

pojednostavljen i ilustriran prikaz određenih dijelova zvaničnog Budžeta.

Nadležnosti institucija Bosne i Hercegovine

Prema Članu III **Ustava** Bosne i Hercegovine, sljedeći poslovi su u nadležnosti institucija Bosne i Hercegovine:

- a) Vanjska politika,
- b) Vanjskotrgovinska politika,
- c) Carinska politika,
- d) Monetarna politika,
- e) Finansiranje institucija i međunarodnih obaveza Bosne i Hercegovine,
- f) Politika i reguliranje pitanja useljavanja, izbjeglica i azila,
- g) Provođenje međunarodnih i međuentitetskih kaznenopravnih propisa, uključujući i odnose s Interpolom,
- h) Uspostava i funkcioniranje zajedničkih i međunarodnih komunikacijskih sredstava,
- i) Reguliranje međuentitetskog transporta,
- j) Kontrola zračnog saobraćaja.

Ustavom je, u istom članu, predviđeno da sve vladine funkcije i ovlaštenja koje nisu Ustavom izričito dodijeljene institucijama Bosne i Hercegovine pripadaju entitetima. Istovremeno, Bosna i Hercegovina može preuzeti nadležnost u onim stvarima u kojima se o tome postigne saglasnost entiteta; stvarima koje su predviđene u Aneksima 5-8. Općeg okvirnog sporazuma; ili koje su potrebne za očuvanje suvereniteta, teritorijalnog integriteta, političke nezavisnosti i međunarodnog subjektiviteta Bosne i Hercegovine, u skladu sa podjelom nadležnosti među institucijama Bosne i Hercegovine. Za obavljanje ovih nadležnosti, prema potrebi mogu biti uspostavljene dodatne institucije.

Trenutno, u Bosni i Hercegovini postoji 75 budžetskih korisnika odnosno različitih institucija (ministarstava, agencija, regulatornih tijela, pravosudnih institucija i slično) koje su direktni korisnici Budžeta institucija Bosne i Hercegovine i međunarodnih obaveza Bosne i Hercegovine.

Pravni okvir

Zakon o finansiranju institucija Bosne i Hercegovine je zakon kojim se uređuje priprema, donošenje, izvršenje, računovodstvo, izvještavanje i nadzor Budžeta Bosne i Hercegovine. Prema ovom zakonu, Budžet predstavlja akt Parlamentarne skupštine Bosne i Hercegovine kojim se utvrđuje plan finansijskih aktivnosti budžetskih korisnika, koji obuhvata projekciju iznosa prihoda i utvrđenog iznosa rashoda za period od jedne fiskalne godine. Ovim budžetom također je utvrđena gornja granica cjelokupnog duga Bosne i Hercegovine, uključujući i postojeći dug i projekciju novog duga za datu fiskalnu godinu. Također su definirani i budžetski korisnici, a to su sve institucije Bosne i Hercegovine i svi ostali organi koji se finansiraju iz budžeta, kao i regulatorna tijela.

Ministarstvo finansija i trezora Bosne i Hercegovine je nadležno za pripremu budžeta, izvršenje budžeta i finansiranje budžetskih institucija, koordinaciju aktivnosti kako bi se osigurala budžetska sredstva i investicije javnih sredstava te obavlja ostale aktivnosti u oblasti finansiranja budžetskih korisnika u skladu sa Ustavom i zakonom.



Ustav

osnovni pravni akt neke države kojim se uspostavlja politički i pravni poredak.

Budžetski korisnik

institucije i svi ostali organi koji se finansiraju iz budžeta.

Budžetski kalendar i budžetski proces

Budžetski kalendar je propisan Zakonom o finansiranju institucija Bosne i Hercegovine i njime se definiraju aktivnosti koje su bitne u vezi s pripremom i donošenjem Budžeta. Tako je definirana vremenska dinamika i odgovornost pojedinačnih institucija u vezi s pripremom donošenja zvaničnog Budžeta.

Budžetski proces se zasniva na propisanim aktivnostima svih učesnika u procesu pripreme i usvajanja Budžeta institucija Bosne i Hercegovine i međunarodnih obaveza Bosne i Hercegovine, te izvršenja, izvještavanja i kontrole.

Budžetski proces započinje u januaru kada Ministarstvo finansija i trezora do 31. u mjesecu svim budžetskim korisnicima dostavlja budžetsku instrukciju s budžetskim kalendarom za pripremu **Dokumenta okvirnog budžeta (DOP)**.

Budžetski proces

proces koji obuhvata pripremu i usvajanje budžeta, njegovo izvršavanje, izvještavanje i kontrolu.

Dokument okvirnog budžeta (DOB)

projekcija trogodišnjih prihoda i rashoda odnosno srednjoročna projekcija budžeta.

31. mart

Direkcija za ekonomsko planiranje ima obavezu izraditi nacrt makroekonomskih projekcija za tekuću i tri naredne godine.

15. juni

Ministarstvo finansija i trezora dostavlja Dokument okvirnog budžeta Vijeću ministara na usvajanje.

1. juli

Ministarstvo finansija i trezora Bosne i Hercegovine dostavlja budžetskim korisnicima Instrukciju za pripremu zahtjeva za budžet sljedeće godine.

1. oktobar

Ministarstvo finansija i trezora Bosne i Hercegovine, nakon obavljenih konsultacija s budžetskim korisnicima, podnosi Vijeću ministara Bosne i Hercegovine Nacrt Zakona o budžetu institucija Bosne i Hercegovine i međunarodnih obaveza Bosne i Hercegovine za narednu godinu.

1. novembar

Predsjedništvo BiH dužno je podnijeti za narednu godinu Prijedlog Zakona o budžetu institucija Bosne i Hercegovine i međunarodnih obaveza BiH Parlamentarnoj skupštini Bosne i Hercegovine.

31. januar

Ministarstvo finansija i trezora Bosne i Hercegovine budžetskim korisnicima dostavlja budžetske instrukcije s budžetskim kalendarom za pripremu Dokumenta okvirnog budžeta i godišnjeg budžeta.

15. april

Odjeljenje za makroekonomske analize Upravnog odbora Uprave za indirektno oporezivanje priprema nacrt projekcija prihoda od indirektnih poreza za tekuću i tri naredne godine. Budžetski korisnici dostavljaju tabele pregleda prioriteta Ministarstvu finansija i trezora Bosne i Hercegovine.

30. juni

Vijeće ministara usvaja Dokument okvirnog budžeta.

1. avgust

Budžetski korisnici dostavljaju zahtjeve za budžet sljedeće godine.

15. oktobar

Vijeće ministara ima obavezu Predsjedništvu Bosne i Hercegovine podnijeti Nacrt Zakona o budžetu institucija Bosne i Hercegovine i međunarodnih obaveza Bosne i Hercegovine za narednu godinu.

31. decembar

Parlamentarna skupština BiH razmatra Prijedlog Zakona o budžetu koji podnosi Predsjedništvo Bosne i Hercegovine, i u skladu sa vlastitim poslovníkom usvaja Zakon o budžetu.

Makroekonomske projekcije i predviđanja

U sljedećoj tabeli date su procjena i projekcije makroekonomskih indikatora Bosne i Hercegovine za period od 2019. do 2024. godine, koje je pripremila Direkcija za ekonomsko planiranje Vijeća ministara Bosne i Hercegovine.

INDIKATORI	SLUŽBENI PODACI		PROJEKCIJE			
	2019	2020	2021	2022	2023	2024
Nominalni BDP u mil KM	36.527	35.436	36.806	38.447	40.094	41.907
Nominalni rast u %	4,6	-3,0	3,9	4,5	4,3	4,5
BDP deflator (prethodna godina = 100)	101,8	100,2	100,8	101,0	100,7	100,8
Realni BDP u mil KM (prethodna godina = 100)	35.885	35.359	36.520	38.051	39.803	41.577
Realni rast u %	2,8	-3,2	3,1	3,4	3,5	3,7
Inflacija mjerena indeksom potrošačkih cijena u %	0,6	-1	1,1	0,9	0,8	1
Potrošnja u mil KM	32.809	32.360	33.205	34.174	35.085	36.120
Realni rast u %	2,0	-1,8	1,7	1,7	1,5	1,6
Vladina potrošnja u mil KM	6.862	7.129	7.272	7.504	7.744	7.992
Realni rast u %	0,9	1,3	1,3	0,7	0,7	0,7
Privatna potrošnja u mil KM	25.947	25.232	25.934	26.670	27.341	28.127
Realni rast u %	2,3	-2,6	1,9	2,0	1,7	1,8
Investicije (bruto) u stalna sredstva u mil KM	8.129	7.779	8.252	8.916	9.664	10.624
Realni rast u %	5,8	-3,0	4,8	7,0	6,9	7,9
Vladine investicije u mil KM	929	1.674	1.719	1.939	2.130	2.449
Realni rast u %	7,2	82,6	1,2	10,8	7,6	11,7
Privatne investicije u mil KM	7.200	6.105	6.532	6.976	7.535	8.175
Realni rast u %	5,7	-14,0	5,8	6,1	6,7	6,8
Uvoz u mil KM	19.492	16.601	18.594	19.915	21.326	23.119
Nominalni rast u %	1,7	-14,8	12,0	7,1	7,1	8,4
Realni rast u %	1,3	-13,6	10,1	4,6	4,1	4,8
Izvoz u mil KM	14.320	11.820	13.928	15.238	16.635	18.280
Nominalni rast u %	0,5	-17,5	17,8	9,4	9,2	9,9
Realni rast u %	0,4	-16,2	16,0	6,7	6,9	7,4
Nacionalna bruto štednja u % BDP-a	21,4	19,6	20,2	20,8	21,6	22,4
Bilans tekućeg računa u mil KM	-1.087	-1.090	-844	-950	-1.032	-1.223
Rast u %	-1,5	-15,4	-7,8	12,5	8,7	18,5
Bilans tekućeg računa u % BDP-a	-3,0	-2,6	-2,3	-2,5	-2,6	-2,9



Prema službenim podacima, u 2019. godini evidentan je realni rast bruto domaćeg proizvoda za 2,8%, dok je u 2020. godini evidentan pad ovog parametra za 3,2%.

Projekcije DEP-a za srednjoročni vremenski period glavno uporište imaju u projekcijama međunarodnih institucija i zasnovane su na pretpostavci poboljšanja privredne aktivnosti u vanjskom okruženju, što bi stabiliziralo ekonomske prilike i potaklo ekonomski rast u ovom periodu. Osim ovog poboljšanja u vanjskom okruženju, jako bitan preduvjet za oporavak ekonomskog rasta u zemlji tokom ovog perioda predstavljat će i institucionalni kapacitet zemlje u provođenju strukturnih reformi kako bi se ojačao doprinos internih dinamika u kreiranju istog. Pod pretpostavkom materijalizacije navedenih okolnosti prema projekcijama DEP-a u periodu 2022-2024. godina u Bosni i Hercegovini se očekuje nešto snažniji ekonomski oporavak sa prosječnom stopom ekonomskog rasta od oko 3,5% na godišnjem nivou (2022: 3,4%, 2023: 3,5% i 2024: 3,7%). Pretpostavlja se da bi ključni oslonac ekonomskog rasta tokom ovog perioda trebala predstavljati domaća tražnja kroz povećanje privatne potrošnje i investicija.

Makroekonomija

oblast ekonomskih nauka koje se bavi ukupnom privredom neke oblasti (zemlje), proučavajući međusobne odnose ukupne (agregatne) proizvodnje, prihoda, zaposlenosti, cijena i drugih varijabli.

Nominalni BDP

predstavlja zbir količina proizvedenih finalnih dobara (roba i usluga) od strane rezidentnih jedinica u zemlji tokom određenog perioda pomnožen s njihovim tekućim cijenama.

Realni BDP

predstavlja zbir količina finalnih dobara u stalnim (umjesto tekućim) cijenama te ukazuje na količinu proizvedenih proizvoda i usluga.

Ekonomski rast

podrazumijeva ukupan porast proizvodnje, proizvodnih kapaciteta i svih drugih dijelova jedne privrede, odnosno predstavlja rast ukupnog outputa jedne privrede uslijed rasta radne snage, kapitalnih dobara te unapređenja tehnologije i produktivnosti.

Bruto domaći proizvod (BDP)

makroekonomski indikator koji pokazuje vrijednost finalnih dobara i usluga proizvedenih u zemlji tokom godine, izraženo u novčanim jedinicama.

Inflacija

predstavlja povećanje općeg nivoa cijena u odnosu na vrijednost novca.

Vladina/javna potrošnja

(Izdaci za krajnju potrošnju vlade) – Sektor vlade se sastoji od svih institucionalnih jedinica koje, uz ispunjavanje njihovih političkih obaveza i uloge ekonomskog reguliranja, u načelu proizvode netržišne usluge (moguće i robe) za individualnu ili kolektivnu potrošnju te redistribuiraju dohodak i bogatstvo. Izdaci za krajnju potrošnju vlade uključuju dvije kategorije izdataka:

- Netržišni output; osim investicija za vlastiti račun; koji se mjeri troškovima proizvodnje, umanjen za povremenu prodaju.
- Vladine nabavke roba i usluga od tržišnih proizvođača, koje se bez bilo kakvog transformiranja plasiraju domaćinstvima, kao socijalni transfer u „naturi“.

Vanjskotrgovinska razmjena

predstavlja sveukupnu razmjenu roba i usluga jedne zemlje s inostranstvom (uvoz i izvoz roba i usluga).

Prihodi, primici i financiranje

Prihodi budžeta institucija BiH planirani su na osnovi Globalnog okvira fiskalnog bilansa i politika u Bosni i Hercegovini za period 2022-2024. godina.

Osnovni prihod u okviru Budžeta institucija Bosne i Hercegovine i međunarodnih obaveza BiH za 2022. godinu odnosi se na porezni prihod odnosno prihode s Jedinstvenog računa Uprave za indirektno oporezivanje za finansiranje institucija Bosne i Hercegovine (865.500.000 KM).

Ostali prihodi i podrška za finansiranje institucija BiH odnose se na neporezne prihode (145.398.000 KM), te transfere od drugih nivoa vlasti (650.000 KM).

Finansiranje i primici obuhvataju i preneseni višak sredstava iz prethodnih godina (61.711.000 KM), te primitke od prodaje stalnih sredstava (341.000 KM).

Na kraju treba dodati da prihodi Budžeta institucija Bosne i Hercegovine i međunarodnih obaveza Bosne i Hercegovine uključuju i prihode za finansiranje javnog duga u iznosu 819.189.119 KM, a odnose se na izmirenje obaveza institucija Bosne i Hercegovine, entiteta i Brčko distrikta.



Stalna imovina

dio imovine koji će ostati nepromijenjen, tj. zadržati isti pojavni oblik, u vremenskom roku dužem od godinu dana i se neće utrošiti u jednom normalnom proizvodnom ciklusu (npr. zemlja, zgrade, strojevi itd.). Nabavlja se s namjerom da se koristi u vlastitom poslovanju, a ne za daljnju preprodaju.

Transferi od drugih nivoa vlasti

novčana sredstva koja viši ili niži nivoi vlasti doznachavaju u budžet s ciljem realizacije pojedinih programa i/ili funkcija.

1.892.789.119 KM

PRIHODI I PODRŠKE ZA
FINANSIRANJE
INSTITUCIJA BiH

62.052.000 KM

OSTALO
FINANSIRANJE I PRIMICI

1.011.548.000 KM

PRIHODI I PODRŠKE ZA
FINANSIRANJE
INSTITUCIJA BOSNE I HERCEGOVINE

819.189.119 KM

PRIHODI ZA
FINANSIRANJE VANJSKOG
DUGA BOSNE I HERCEGOVINE

Preneseni višak sredstava
iz prethodnih godina
61.711.000 KM

Primici od prodaje
stalnih sredstava
341.000 KM

Primici od sukcesija
0 KM

Porezni prihodi
865.500.000 KM

Neporezni prihodi
145.398.000 KM

Tekuće podrške
iz inostranstva **0 KM**

Transferi od drugih nivoa vlasti
650.000 KM

Federacija BiH
538.380.626

Republika Srpska
266.566.351

Distrikt Brčko
8.319.515

Institucije BiH
5.922.627

Neporezni prihodi **145.398.000 KM**

Prihodi od administrativnih
taksi **16.923.000**

Prihodi od sudskih taksi **453.000**

Prihodi od posebnih nakna-
da i taksi **61.806.000**

Prihodi od taksi u
postupku indirektnog
oporezivanja **26.668.000**

Prihodi od ličnih i putnih
dokumenata i registracije
vozila u Bosni i Hercegovini **24.009.000**

Prihodi od finansijskih
javnih institucija i nefinan-
sijskih javnih preduzeća **239.000**

Prihodi od kamata i
kursnih razlika **503.000**

Prihodi od novčanih kazni **6.048.000**

Vlastiti prihodi **6.750.000**

Ostali prihodi **1.999.000**

RASHODI

Rashodi po COFOG klasifikaciji

Institucije Bosne i Hercegovine i iznos njihovog budžeta
za 2022. godinu

Najveći korisnici budžeta

Budžet za
građane

institucija Bosne i Hercegovine
i međunarodnih obaveza
Bosne i Hercegovine

2022



COFOG klasifikacija

Klasifikaciju vladinih funkcija (COFOG – Classification of the Functions of the Government) objavilo je Odjeljenje za statistiku Ujedinjenih naroda i odnosi se na sredstva iz budžeta razvrstana po namjeni za koju se troše.



Opće javne usluge **1.205.764.119 KM**



Parlamentarna skupština Bosne i Hercegovine	19.526.000
Predsjedništvo Bosne i Hercegovine	9.571.000
Generalni sekretarijat Vijeća ministara Bosne i Hercegovine	5.931.000
Direkcija za evropske integracije Bosne i Hercegovine	4.747.000
Ministarstvo vanjskih poslova Bosne i Hercegovine	58.098.000
Ministarstvo komunikacija i transporta Bosne i Hercegovine	5.572.000
Ministarstvo finansija i trezora Bosne i Hercegovine	11.737.000
Uprava za indirektno oporezivanje Bosne i Hercegovine	122.362.000
Ministarstvo pravde Bosne i Hercegovine	3.307.000
Ministarstvo sigurnosti Bosne i Hercegovine	86.000
Ministarstvo civilnih poslova Bosne i Hercegovine	11.152.000
Agencija za identifikacione isprave, evidenciju i razmjenu podataka Bosne i Hercegovine	28.663.000
Služba za zajedničke poslove institucija Bosne i Hercegovine	17.817.000
Ured za reviziju institucija Bosne i Hercegovine	4.933.000
Centralna izborna komisija Bosne i Hercegovine	15.777.000
Agencija za državnu službu Bosne i Hercegovine	1.423.000
Agencija za statistiku Bosne i Hercegovine	5.188.000
Arhiv Bosne i Hercegovine	754.000
Fond za povratak Bosne i Hercegovine	487.000
Odbor državne službe za žalbe Bosne i Hercegovine	429.000
Ured za zakonodavstvo Bosne i Hercegovine	757.000
Agencija za javne nabave Bosne i Hercegovine	1.386.000
Ured za razmatranje žalbi Bosne i Hercegovine	2.658.000
Institut za nestale osobe Bosne i Hercegovine	2.970.000
Direkcija za ekonomsko planiranje Bosne i Hercegovine	1.022.000
Ured koordinatora za reformu javne uprave Bosne i Hercegovine	1.398.000
Agencija za zaštitu ličnih podataka u Bosni i Hercegovini	1.349.000
Centralna harmonizacijska jedinica Ministarstva finansija i trezora Bosne i Hercegovine	676.000
Agencija za prevenciju korupcije i koordinaciju borbe protiv korupcije Bosne i Hercegovine	1.528.000
Direktni transferi i rezerviranje	45.271.000
Servisiranje vanjskog duga	819.189.119

Odbrana **306.675.000 KM**



Ministarstvo odbrane Bosne i Hercegovine

306.675.000

Javni red i sigurnost **289.093.000 KM**



Visoko sudsko i tužilačko vijeće Bosne i Hercegovine	6.497.000
Ustavni sud Bosne i Hercegovine	6.932.000
Sud Bosne i Hercegovine	19.203.000
Tužilaštvo Bosne i Hercegovine	16.042.000
Pravobranilaštvo Bosne i Hercegovine	1.447.000
Institucija ombudsmana za ljudska prava Bosne i Hercegovine	2.779.000
Zavod za izvršenje krivičnih sankcija, pritvora i drugih mjera Bosne i Hercegovine	12.384.000
Ministarstvo pravde Bosne i Hercegovine	6.850.000
Ministarstvo sigurnosti Bosne i Hercegovine	8.535.000
Državna agencija za istrage i zaštitu	33.164.000
Granična policija Bosne i Hercegovine	86.548.000
Obavještajno sigurnosna agencija Bosne i Hercegovine	36.550.000
Služba za poslove sa strancima Bosne i Hercegovine	10.592.000
Agencija za policijsku podršku Bosne i Hercegovine	1.733.000
Agencija za forenzička ispitivanja i vještačenja Bosne i Hercegovine	2.000.000
Agencija za školovanje i stručno usavršavanje kadrova Bosne i Hercegovine	2.778.000
Direkcija za koordinaciju policijskih tijela Bosne i Hercegovine	35.059.000

Ekonomski poslovi **55.882.000 KM**



Ministarstvo vanjske trgovine i ekonomskih odnosa Bosne i Hercegovine	9.408.000
Agencija za unapređenje stranih investicija u Bosni i Hercegovini	1.381.000
Ured za veterinarstvo Bosne i Hercegovine	5.146.000
Konkurencijsko vijeće Bosne i Hercegovine	1.382.000
Ministarstvo komunikacija i prometa Bosne i Hercegovine	10.348.000
Direkcija za civilno zrakoplovstvo Bosne i Hercegovine	4.737.000
Regulatorna agencija za komunikacije Bosne i Hercegovine	6.685.000
Institut za standardizaciju Bosne i Hercegovine	1.513.000
Institut za mjeriteljstvo Bosne i Hercegovine	3.021.000
Institut za intelektualno vlasništvo Bosne i Hercegovine	1.738.000
Institut za akreditiranje Bosne i Hercegovine	1.194.000
Uprava Bosne i Hercegovine za zaštitu zdravlja bilja	1.296.000
Agencija za nadzor nad tržištem Bosne i Hercegovine	873.000
Agencija za sigurnost hrane Bosne i Hercegovine	1.781.000
Agencija za rad i zapošljavanje Bosne i Hercegovine	1.247.000
Ured za harmonizaciju i koordinaciju sistema plaćanja u poljoprivredi, israni i ruralnom razvoju	681.000
Komisija za koncesije Bosne i Hercegovine	1.141.000
Agencija za osiguranje u Bosni i Hercegovini	532.000
Institucija ombudsmana za zaštitu potrošača u Bosni i Hercegovini	446.000
Agencija za poštanski promet Bosne i Hercegovine	837.000
Vijeće za državnu podršku Bosne i Hercegovine	465.000

Zaštita životne sredine **7.206.000 KM**



Centar za uklanjanje mina u Bosni i Hercegovini	6.118.000
Državna regulatorna agencija za radijacijsku i nuklearnu sigurnost u Bosni i Hercegovini	1.088.000

Zdravstvo **6.682.000 KM**



Agencija za lijekove i medicinska sredstva Bosne i Hercegovine

6.682.000

Rekreacija, kultura i religija **8.331.000 KM**



Memorijalni centar Srebrenica - Potočari. Spomen obilježje i mezarje za žrtve genocida iz 1995.godine

1.123.000

Regulatorna agencija za komunikacije Bosne i Hercegovine

3.789.000

Ministarstvo civilnih poslova Bosne i Hercegovine

1.239.000

Komisija za očuvanje nacionalnih spomenika

1.495.000

Agencija za antidoping kontrolu Bosne i Hercegovine

685.000

Obrazovanje **2.996.000 KM**



Agencija za razvoj visokog obrazovanja i osiguranje kvaliteta Bosne i Hercegovine

940.000

Agencija za predškolsko, osnovno i srednje obrazovanje Bosne i Hercegovine

1.201.000

Centar za informiranje i priznavanje dokumenata iz oblasti visokog obrazovanja u Bosni i Hercegovini

855.000

Socijalna zaštita **10.160.000 KM**



Ministarstvo za ljudska prava i izbjeglice Bosne i Hercegovine

10.160.000


Najveći korisnici budžeta institucija Bosne i Hercegovine

Uvidom u ukupne rashode institucija Bosne i Hercegovine, evidentno je da se na **10 budžetskih korisnika odnosi 745.848.000 KM, što čini 69,5% rashoda budžeta institucija Bosne i Hercegovine** (bez izdvajanja sredstava za finansiranje vanjskog duga).

Iz navedenog se može jasno vidjeti da se najviše sredstava iz Budžeta institucija Bosne i Hercegovine izdvaja za sektore odbrane i javni red i sigurnost.

U narednom dijelu ćemo predstaviti troškove za plaće i naknade zaposlenih kao i budžete šest institucija koje su prema provedenim konsultacijama bile najveći predmet pažnje zainteresiranih pojedinaca i organizacija civilnog društva.

Prvenstveno, radi se o institucijama koje troše najviše sredstava prilikom obavljanja dodijeljenih nadležnosti (**Ministarstvo odbrane, Granična policija i Uprava za indirektno oporezivanje**) te institucijama za čiji rad postoji veliko zanimanje zbog pojedinih programa i projekata koji se realiziraju u okviru datih institucija (**Ministarstva civilnih poslova, Ministarstva za ljudska prava i izbjeglice te Ministarstva vanjskih poslova**).





1. Ministarstvo odbrane



2. Uprava za indirektno oporezivanje



3. Granična policija



4. Ministarstvo vanjskih poslova



5. Obavještajno sigurnosna agencija



6. Direkcija za koordinaciju policijskih tijela



7. Državna agencija za istrage i zaštitu



8. Agencija za identifikacione dokumente, evidenciju i razmjenu podataka



9. Parlamentarna skupština



10. Sud Bosne i Hercegovine

10 najvećih budžetskih korisnika



UDIO PLAĆA I NAKNADA ZA ZAPOSLENE KOD NAJVEĆIH BUDŽETSKIH KORISNIKA

Jednako kako smo govorili u dijelu s ukupnim rashodima, u okviru ovih 10 institucija najviše se budžetskih sredstava izdvaja za plaće i naknade, imajući u vidu veliki broj zaposlenih osoba u navedenim institucijama.

Ostali rashodi u okviru navedenih institucija odnose se na izdatke u vezi s potrebama za njihovo nesmetano funkcioniranje, uključujući i po nekoliko kapitalnih projekata, što će biti detaljnije predstavljeno u dijelu koji se odnosi na pojedine institucije.




Ministarstvo odbrane 306.675.000 KM

BROJ ZAPOSLENIH **10.011**

UČEŠĆE U UKUPNOM BROJU ZAPOSLENIH BUDŽETSKIH KORISNIKA **42%**

UČEŠĆE BRUTO PLAĆA I NAKNADA TROŠKOVA ZAPOSLENIH U UKUPNIM TROŠKOVIMA PLAĆA BUDŽETSKIH KORISNIKA **35%**



BRUTO PLAĆE I NAKNADE TROŠKOVA ZAPOSLENIH
273.085.000 KM




Policijske agencije 191.321.000 KM

BROJ ZAPOSLENIH **4.856**

UČEŠĆE U UKUPNOM BROJU ZAPOSLENIH BUDŽETSKIH KORISNIKA **21%**

UČEŠĆE BRUTO PLAĆA I NAKNADA TROŠKOVA ZAPOSLENIH U UKUPNIM TROŠKOVIMA PLAĆA BUDŽETSKIH KORISNIKA **21%**




BRUTO PLAĆE I NAKNADE TROŠKOVA ZAPOSLENIH
164.329.000 KM



Uprava za indirektno oporezivanje 122.362.000 KM

BROJ ZAPOSLENIH	2.591
UČEŠĆE U UKUPNOM BROJU ZAPOSLENIH BUDŽETSKIH KORISNIKA	11%
UČEŠĆE BRUTO PLAĆA I NAKNADA TROŠKOVA ZAPOSLENIH U UKUPNIM TROŠKOVIMA PLAĆA BUDŽETSKIH KORISNIKA	11%




BRUTO PLAĆE I NAKNADA TROŠKOVA ZAPOSLENIH
81.162.000 KM



Pravosudne institucije 48.674.000 KM


BROJ ZAPOSLENIH	707
UČEŠĆE U UKUPNOM BROJU ZAPOSLENIH BUDŽETSKIH KORISNIKA	3%
UČEŠĆE BRUTO PLAĆA I NAKNADA TROŠKOVA ZAPOSLENIH U UKUPNIM TROŠKOVIMA PLAĆA BUDŽETSKIH KORISNIKA	5%



BRUTO PLAĆE I NAKNADA TROŠKOVA ZAPOSLENIH
40.453.000 KM

Ministarstva osim Ministarstva odbrane 136.492.000 KM


BROJ ZAPOSLENIH	1687
UČEŠĆE U UKUPNOM BROJU ZAPOSLENIH BUDŽETSKIH KORISNIKA	7%
UČEŠĆE BRUTO PLAĆA I NAKNADA TROŠKOVA ZAPOSLENIH U UKUPNIM TROŠKOVIMA PLAĆA BUDŽETSKIH KORISNIKA	11%



BRUTO PLAĆE I NAKNADA TROŠKOVA ZAPOSLENIH
81.037.000 KM

Ostale institucije 222.805.000 KM

BROJ ZAPOSLENIH	3706
UČEŠĆE U UKUPNOM BROJU ZAPOSLENIH BUDŽETSKIH KORISNIKA	16%
UČEŠĆE BRUTO PLAĆA I NAKNADA TROŠKOVA ZAPOSLENIH U UKUPNIM TROŠKOVIMA PLAĆA BUDŽETSKIH KORISNIKA	17%



BRUTO PLAĆE I NAKNADA TROŠKOVA ZAPOSLENIH
131.705.000 KM



Ministarstvo odbrane
306.675.000 KM

I ZAKONSKI OSNOV

Zakonom o odbrani Bosne i Hercegovine („Službeni list Bosne i Hercegovine“, broj: 88/05) definiran je jedinstveni odbrambeni sistem u Bosni i Hercegovini. Članom 13. Zakona o odbrani Bosne i Hercegovine („Službeni list Bosne i Hercegovine“, broj: 88/05) i članom 15. a) Zakona o izmjenama i dopunama Zakona o ministarstvima i drugim organima uprave Bosne i Hercegovine („Službeni list Bosne i Hercegovine“, broj: 42/03, 45/06), definirane su nadležnosti Ministarstva odbrane Bosne i Hercegovine.

Ministarstvo odbrane Bosne i Hercegovine sa Zajedničkim štabom Oružanih snaga Bosne i Hercegovine kao stručnim organom, obavlja poslove i zadatke iz oblasti odbrane, te su u jedinstvenom odbrambenom sistemu pod vrhovnom komandom i kontrolom Predsjedništva Bosne i Hercegovine.

II MISIJA

Misija MO Bosne i Hercegovine je stvaranje i održavanje odbrambenog kapaciteta kako bi se:

- Osigurala zaštita suvereniteta, teritorijalnog integriteta, političke nezavisnosti i međunarodnog subjektiviteta Bosne i Hercegovine;
- Pružila vojna odbrana Bosne i Hercegovine i njenim državljanima u slučaju napada;
- Pružila vojna pomoć civilnim organima u slučaju prirodnih i drugih nesreća;
- Pružio doprinos u deminiranju u Bosne i Hercegovine;
- Unaprijedili ciljevi vanjske politike Bosne i Hercegovine;
- Ispunile međunarodne obaveze Bosne i Hercegovine iz oblasti odbrane; i
- Osigurao vojni doprinos Bosne i Hercegovine u međunarodnim aktivnostima održavanja mira i sigurnosti.

- **Tekući izdaci 303.915.000 KM**
Bruto plaće i naknade
Izdaci za materijal i usluge
- **Kapitalni grantovi i transferi 205.000 KM**
Implementacija programa „Perspektiva“
(registracija, savjetovanje otpuštenog osoblja)
- **Kapitalni izdaci 2.555.000 KM**
Nabavka opreme

PROGRAMSKO-PROJEKTA STRUKTURA RASHODA

PROGRAMI	IZNOS (KM)	POSTOTAK (%)
Vojna odbrana	280.453.000	91,449
Operacije kolektivne sigurnosti	4.573.000	1,491
Međunarodna saradnja	4.680.000	1,526
Administracija	16.969.000	5,534

PROGRAMI I PROJEKTI

PROGRAMI I PROJEKTI	CILJEVI	TROŠKOVI (KM)
Vojna odbrana	<ul style="list-style-type: none"> • Razviti i unaprijediti operativne sposobnosti • Dostići međunarodne standarde 	280.453.000
Pružanje vojne pomoći i saradnja sa civilnim organima u slučaju prirodnih katastrofa i drugih nesreća	- Pružiti vojnu pomoć civilnim organima	30.100.000
Implementacija NATO normi u oblasti skladištenja (operacije sa naoružanjem i MiMES)	- Poboljšanje uvjeta skladištenja	14.900.000
Protivminsko djelovanje u Bosni i Hercegovini	- Deminirati planiranu površinu	29.700.000
Rješavanje viškova naoružanja, municije, minsko eksplozivnih sredstava	- Riješiti viškove u skladu s planom	8.220.000
Modernizacija i zadržavanje naoružanja i vojne opreme	- Modernizirati naoružanje i opremu - Obnoviti naoružanje i opremu	4.216.000
Obuka i profesionalni razvoj	- Obučiti i profesionalno usavršiti osoblje	85.300.000
Opća logistička podrška i ostala investicijska ulaganja	- Pružiti potrebnu logističku podršku - Poboljšanje infrastrukture	96.522.000
Izgradnja stacionarnih sistema komandovanja i kontrole, opremanje OS BiH mobilnim sistemima K2 i održavanje postojećih sistema K4	- Unaprijediti telekomunikacijski i informatički sistem	11.495.000



Uprava za indirektno oporezivanje 122.362.000 KM

Uprava za indirektno oporezivanje

uspostavljena je Zakonom o sistemu indirektnog oporezivanja u Bosni i Hercegovini („Službeni list Bosne i Hercegovine“ br. 44/03, 52/04, 4/08, 49/09, 32/13 i 91/17), kao samostalna upravna organizacija i jedini organ u Bosni i Hercegovini nadležan za sprovođenje zakonskih i drugih propisa o indirektnom oporezivanju i politike koju utvrdi Vijeće ministara Bosne i Hercegovine na prijedlog Upravnog odbora. Zadužena je za naplatu i raspodjelu indirektnih poreza u Bosni i Hercegovini.

Nadležnost, organizacija, rukovođenje i druga pitanja značajna za rad Uprave za indirektno oporezivanje regulirana su Zakonom o Upravi za indirektno oporezivanje („Službeni list Bosne i Hercegovine“ broj: 89/05) i drugim zakonima koji reguliraju indirektno oporezivanje u Bosni i Hercegovini.

Poslove iz svoje nadležnosti Uprava za indirektno oporezivanje vrši u Središnjem uredu sa sjedištem u Banjaluci i regionalnim centrima koji se nalaze u Banjaluci, Sarajevu, Mostaru i Tuzli, putem svojih osnovnih i unutrašnjih organizacionih jedinica, utvrđenih Pravilnikom o unutrašnjoj organizaciji Uprave za indirektno oporezivanje („Službeni list Bosne i Hercegovine“ br. 29/13, 11/16, 72/16, 47/17, 55/17, 41/19 i 43/21).


Uprava za indirektno oporezivanje za svoj rad putem Upravnog odbora odgovara Vijeću ministara Bosne i Hercegovine.

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2022. godinu („Službeni list Bosne i Hercegovine“, broj 42/22) za Upravu za indirektno oporezivanje kao budžetskog korisnika planirana su sredstva u iznosu od 122.362.000 KM.

TEKUĆI IZDACI 104.667.000 KM



plaće i naknade
troškova zaposlenih
81.162.000 KM



materijal,
sitan inventar i usluge
23.505.000 KM

KAPITALNI IZDACI 17.695.000 KM



nabavka zemljišta i izgradnja
graničnih prijelaza, objekti za
smještaj zaposlenih Uprave za
indirektno oporezivanje i Granične policije
64%



minimalna
zanavljanja
opreme
22%



softverske
aplikacije
14%

KAPITALNI PROJEKTI 2022.

TROŠKOVI (KM)

Nastavak finansiranja izgradnje GP Svilaj	3.949.316,06
Izgradnja i opremanje objekta za smještaj zaposlenih Uprave za indirektno oporezivanje i Granične policije na aerodromu u Banjaluci	3.000.000,00
Izgradnja objekata na graničnim prijelazima Klobuk i Zupci	2.000.000,00
Nabavka zemljišta i pribavljanje dozvola i saglasnosti za izgradnju graničnih prijelaza za pogranični promet čija izgradnja će se finansirati iz IPA projekata	950.000,00
Izgradnja objekata na graničnom prijelazu Čepikuće	800.000,00
Izgradnja objekata na graničnom prijelazu Brod	800.000,00

U 2022. godini planirana su sredstva za održavanje podsistema informacionog sistema Uprave za indirektno oporezivanje u iznosu od 5.500.000 KM i nadogradnju postojećih podsistema informacionog sistema Uprave za indirektno oporezivanje, sredstva u iznosu od 2.420.000 KM.



Granična policija
86.548.000 KM

Granična policija Bosne i Hercegovine je upravna organizacija u sastavu Ministarstva sigurnosti Bosne i Hercegovine, nadležna za izvršavanje policijskih poslova granične kontrole i sigurnosti zračnih luka.



40

cestovnih

8

željezničkih

3

riječne
luke

4

aerodroma

BUDŽET 86.548.000

Zaposleni 2471

Bruto plaće i
naknade troškova
zaposlenih 77.630.000

Ostali izdaci 8.918.000


8,9% Ostalo

91,1% Plaće i naknade
zaposlenih

Programska struktura



Sigurnost aerodroma



Granična kontrola i
sprečavanje prekograničnog
kriminala

Najznačajniji izdaci prema planu javnih nabavki



Građevine - 1.500.000 KM
(izgradnja objekta Terenski ured
Jug Čapljina, 1.500.000 KM)



**Motorna vozila
386.000 KM**



**Policijska oprema
187.000 KM**



**Kompjuterska oprema
183.000 KM**



**Oprema za prijenos
podataka i glasa
386.000 KM**



Ministarstvo vanjskih poslova
58.098.000 KM

PROGRAMSKO PROJEKTA STRUKTURA RASHODA



Provođenje vanjske politike Bosne i Hercegovine **11.620.000 KM**

- Razvoj političkih i ekonomskih odnosa
- Ispunjavanje obaveza iz Sporazuma o stabilizaciji i pridruživanju koje su u nadležnosti Ministarstva vanjskih poslova Bosne i Hercegovine
- Učešće i zastupanje interesa Bosne i Hercegovine u međunarodnim organizacijama
- Razvoj političkog dijaloga sa NATO i promoviranje javne diplomatije
- Projekti naučne, obrazovne i sportske saradnje


Razvoj službe Ministarstva vanjskih poslova Bosne i Hercegovine **36.602.000 KM**

- Podizanje nivoa interne i diplomatske obuke kadrova
- Stvaranje pravnog okvira za funkcioniranje Ministarstva vanjskih poslova Bosne i Hercegovine
- Razvoj informacijskog i sistema zaštite podataka Ministarstva vanjskih poslova Bosne i Hercegovine
- Unapređenje rada Ministarstva vanjskih poslova Bosne i Hercegovine kroz preuzimanje objekata dobivenih sukcesijom
- Osiguranje standarda za rad Diplomatsko konzularnih predstavništava Bosne i Hercegovine

Ministarstvo vanjskih poslova je nadležno za provođenje utvrđene politike Bosne i Hercegovine i radi na razvoju međunarodnih odnosa u skladu sa stavovima i smjernicama Predsjedništva Bosne i Hercegovine.


Ono istodobno predlaže utvrđivanje stavova o pitanjima od interesa za vanjsko-političke aktivnosti i međunarodni položaj Bosne i Hercegovine te zastupa Bosnu i Hercegovinu u diplomatskim odnosima prema drugim državama, međunarodnim organizacijama i na međunarodnim konferencijama.

Najveći dio aktivnosti se odnosi na uspostavu, usmjeravanje i koordinaciju rada diplomatsko-konzularnih predstavništava Bosne i Hercegovine u inostranstvu.



Zaštita prava i interesa građana i pravnih lica Bosne i Hercegovine u inostranstvu i razvoj međunarodno-pravne saradnje, u iznosu **9.876.000 KM**

- Pružanje konzularnih usluga građanima Bosne i Hercegovine u inostranstvu i stranim državljanima u Bosni i Hercegovini
- Pružanje međunarodne pravne i konzularne pomoći
- Učešće u zaključivanju i ratifikaciji međunarodnih ugovora primjene međunarodnog prava





Ministarstvo civilnih poslova 12.391.000 KM

BUDŽET 12.391.000

Zaposleni 151

Bruto plaće i
naknade troškova
zaposlenih **5.248.000**

Izdaci za materijal i
usluge **1.003.000**

Tekući grantovi i
transferi **5.990.000**

Kapitalni izdaci **150.000**

42%

Plaće i naknade
zaposlenih

58%

Ostalo

Navedeni budžet je raspoređen na direktnu potrošnju Ministarstva (12.133.000, KM) i na četiri programa posebne namjene – državne komisije čije je formiranje utvrđeno zakonom ili od strane Vijeća ministara Bosne i Hercegovine (ukupno 258.000,00 KM).

Ministarstvo civilnih poslova BiH nadležno je za razvoj sistema ostvarivanja statusnih prava u Bosni i Hercegovini u oblasti državljanstva, ličnih dokumenata, putnih isprava, osiguranja uvjeta za efikasno provođenje operacija deminiranja, održavanje uređene državne granice kao i utvrđivanje osnovnih principa koordiniranja aktivnosti, usklađivanja planova entitetskih tijela vlasti i definiranje strategije na međunarodnom planu u oblastima iz nadležnosti Ministarstva.

Najveći udio budžeta Ministarstva civilnih poslova odnosi se na tekuće grantove i transfere

r.br.	MCP BOSNE I HERCEGOVINE TEKUĆI GRANTOVI	konto	Budžet 2022
1	2	3	4
1	Grantovi pojedincima - Grant za dodjelu novčanih nagrada za zaslužne i vrhunske sportiste međunarodnog razreda	614200	100.000
2	Grantovi pojedincima - Dodjela državne nagrade za sport Bosne i Hercegovine	614200	10.000
3	Grantovi neprofitnim organizacijama - Sufinansiranje projekata kulture u Bosni i Hercegovini	614300	3.097.000
4	Grantovi neprofitnim organizacijama - Nagrada za nauku	614300	10.000
5	Grantovi neprofitnim organizacijama - Međunarodna kulturna saradnja	614300	390.000
6	Grantovi neprofitnim organizacijama - Podrška tehničkoj kulturi i inovatorstvu u Bosni i Hercegovini	614300	117.000
7	Grantovi neprofitnim organizacijama - Sufinansiranje sportskih manifestacija	614300	1.342.000
8	Grantovi neprofitnim organizacijama - Programi za pripremu projekata i potencijalnih kandidata za sredstva iz fonda H2020	614300	444.000
9	Grantovi neprofitnim organizacijama - Finansiranje Koordinacijskog deska Bosne i Hercegovine za program EU Kreativna Evropa	614300	50.000
10	Grantovi neprofitnim organizacijama - Sufinansiranje projekata nevladinih organizacija u oblasti prevencije HIV-a, tuberkuloze i ovisnosti u Bosni i Hercegovini	614300	50.000
11	Grantovi neprofitnim organizacijama - Sredstva za učešće Bosne i Hercegovine na Venecijanskom bijenalu	614300	180.000
12	Grantovi neprofitnim organizacijama - Grant za realiziranje projekata bilateralne saradnje u oblasti nauke na osnovu međunarodnih sporazuma	614300	100.000
13	Grantovi neprofitnim organizacijama - Sufinansiranje protivminskih akcija u Bosni i Hercegovini	614300	100.000
UKUPNO:			5.990.000



Ministarstvo za ljudska prava i izbjeglice 10.160.000 KM

BUDŽET 10.160.000

Tekući izdaci 5.829.000

Tekući grantovi i transferi 4.296.000

Kapitalni izdaci 35.000

Ministarstvo za ljudska prava i izbjeglice nadležno je za praćenje i provođenje međunarodnih konvencija i drugih dokumenata iz oblasti ljudskih prava i osnovnih sloboda. Brine o provođenju i nadzire realizaciju Aneksa VII Općeg okvirnog sporazuma za mir u Bosni i Hercegovini, te kreira i provodi politike Bosne i Hercegovine u oblasti povratka izbjeglica i raseljenih lica u Bosni i Hercegovini, gdje kroz projekte rekonstrukcije i izgradnje osigurava uvjete za održiv povratak.

U nadležnosti ministarstva je i kreiranje politike Bosne i Hercegovine prema iseljeništvu, kao i jačanje saradnje sa iseljeništvom. Ministarstvo je nadležno i za obavljanje poslova koji su u nadležnosti Bosne i Hercegovine i koji se odnose na utvrđivanje osnovnih načela koordiniranja aktivnosti, usklađivanja politika i planova organa vlasti Bosne i Hercegovine i međunarodne zajednice u oblasti stambene politike, obnove i razvoja i projekta održivog povratka i njihovog evidentiranja. Saraduje sa nevladinim sektorom po pitanjima iz nadležnosti ministarstva.

PROGRAMSKA STRUKTURA



Zaštita ljudskih prava i ravnopravnost polova



Realizacija prava iz Aneksa VII Dejtonskog mirovnog sporazuma, pristup pravima lica pod međunarodnom zaštitom u Bosni i Hercegovini i readmisija



Razvoj politike prema iseljeništvu i jačanje saradnje sa iseljeništvom

TEKUĆI TRANSFERI I GRANTOVI

Grantovi za poboljšanje položaja Roma 1.380.000 KM

Readmisija 150.000 KM

Provođenje aktivnosti iz platforme za mir 15.000 KM

Implementacija politika o saradnji sa iseljeništvom 70.000 KM

Realizacija prava iz Aneksa VII Dejtonskog mirovnog sporazuma 2.000.000 KM

Grantovi nevladinim organizacijama u cilju zaštite ljudskih prava 681.000 KM

BUDŽETSKI RJEČNIK



Budžet - akt kojim se predviđaju svi prihodi i rashodi u jednoj godini.

Koncesija - dozvola vlasti koja se daje pravnim ili fizičkim licima za obavljanje određene djelatnosti po unaprijed utvrđenim uvjetima.

Javna politika - plan ili smjer djelovanja institucija vlasti.

Budžet za građane - pojednostavljen i ilustriran prikaz određenih dijelova zvaničnog Budžeta.

Ustav - osnovni pravni akt neke države kojim se uspostavlja politički i pravni poredak.

Budžetski korisnik - institucije i svi ostali organi koji se finansiraju iz budžeta.

Dokument okvirnog budžeta (DOB) - projekcija trogodišnjih prihoda i rashoda odnosno srednjoročna projekcija budžeta.

Makroekonomija - oblast ekonomskih nauka koje se bavi ukupnom privredom neke oblasti (zemlje), proučavajući međusobne odnose ukupne (agregatne) proizvodnje, prihoda, zaposlenosti, cijena i drugih varijabli.

Nominalni BDP - predstavlja zbir količina proizvedenih finalnih dobara (roba i usluga) od strane rezidentnih jedinica u zemlji tokom određenog perioda pomnožen s njihovim tekućim cijenama.

Realni BDP - predstavlja zbir količina finalnih dobara u stalnim (umjesto tekućim) cijenama te ukazuje na količinu proizvedenih proizvoda i usluga.

Ekonomski rast - podrazumijeva ukupan porast proizvodnje, proizvodnih kapaciteta i svih drugih dijelova jedne privrede, odnosno predstavlja rast ukupnog outputa jedne privrede uslijed rasta radne snage, kapitalnih dobara te unapređenja tehnologije i produktivnosti.

Transferi od drugih nivoa vlasti - novčana sredstva koja viši ili niži nivoi vlasti doznavaaju u budžet s ciljem realizacije pojedinih programa i/ili funkcija.

Bruto domaći proizvod (BDP) - makroekonomski indikator koji pokazuje vrijednost finalnih dobara i usluga proizvedenih u zemlji tokom godine, izraženo u novčanim jedinicama.

Inflacija - predstavlja povećanje općeg nivoa cijena u odnosu na vrijednost novca.

Vladina/javna potrošnja - (Izdaci za krajnju potrošnju vlade) – Sektor vlade se sastoji od svih institucionalnih jedinica koje, uz ispunjavanje njihovih političkih obaveza i uloge ekonomskog reguliranja, u načelu proizvode netržišne usluge (moguće i robe) za individualnu ili kolektivnu potrošnju te redistribuiraju dohodak i bogatstvo. Izdaci za krajnju potrošnju vlade uključuju dvije kategorije izdataka:

- Netržišni output; osim investicija za vlastiti račun; koji se mjeri troškovima proizvodnje, umanjen za povremenu prodaju
- Vladine nabavke roba i usluga od tržišnih proizvođača, koje se bez bilo kakvog transformiranja plasiraju domaćinstvima, kao socijalni transfer u „naturi“.

COFOG klasifikacija - Klasifikaciju vladinih funkcija (COFOG – Classification of the Functions of the Government) objavilo je Odjeljenje za statistiku Ujedinjenih naroda i odnosi se na sredstva iz budžeta razvrstana po namjeni za koju se troše.

Stalna imovina - dio imovine koji će ostati nepromijenjen, tj. zadržati isti pojavni oblik, u vremenskom roku dužem od godinu dana i se neće utrošiti u jednom normalnom proizvodnom ciklusu (npr. zemlja, zgrade, strojevi itd.). Nabavlja se s namjerom da se koristi u vlastitom poslovanju, a ne za daljnju preprodaju.

Ime i prezime

Adresa

E-mail

Organizacija/
Institucija

Pitanja, primjedbe i prijedloge možete napisati na poleđini obrasca.

Ime i prezime

Adresa

E-mail

Organizacija/
Institucija

Pitanja, primjedbe i prijedloge možete napisati na poleđini obrasca.

PITANJA, KOMENTARI I SUGESTIJE

Poštovani, ako imate pitanje, komentar ili sugestiju u vezi s pripremom i predstavljanjem „Budžeta za građane“, možete iskoristiti pripremljene obrasce, iskinuti ih i poslati poštom na adresu:

**Ministarstvo finansija i trezora Bosne i Hercegovine
(Kabinet ministra - Odnosi s javnošću),
Trg Bosne i Hercegovine 1, 71000 Sarajevo.**

Pitanja, komentare i sugestije možete poslati i putem elektronske pošte:
trezorbih@mft.gov.ba.

S poštovanjem,

Ministarstvo finansija i trezora Bosne i Hercegovine



Budžet za **građane**

institucija Bosne i Hercegovine
i međunarodnih obaveza
Bosne i Hercegovine

2022

BOSNA I HERCEGOVINA
MINISTARSTVO FINANSIJA/
FINANSIJA I TREZORA



БОСНА И ХЕРЦЕГОВИНА
МИНИСТАРСТВО ФИНАНСИЈА
И ТРЕЗОРА

BOSNIA AND HERZEGOVINA
MINISTRY OF FINANCE
AND TREASURY

Budžet za **građane**

institucija Bosne i Hercegovine
i međunarodnih obaveza
Bosne i Hercegovine

2022